



AUTORIDADE
MUNICIPAL DE
LAUTÉM



Presidente da Autoridade
Municipal de
LAUTÉM

DESPACHO Nº 89 / PAM-LAUTÉM / V / 2025

**ESTABELESIMENTU KOMISAUN ELABORADOR PLANU DEZENVOLVIMENTU
MUNISIPÁL LAUTÉM 2024 – 2030**

KONSIDERA:

1. Katak Plano Dezenvolvimentu Munisipál (PDM-Lautem) 2024 – 2030 mak dokumentu estratéjiku ne'ebé define metas dezenvolvimentu ba território munisipál no medidas proteasaun no valorizasaun ba rekursu endójenu iha munisípiu laran; PDM sei sai nu'udar dokumentu orientadór no estratéjiku médiu prazu ne'ebé elabora husi Autoridade Munisipál iha koordinasaun ho comunidade, partisipasaun sosiál no partisipasaun parseiru dezenvolvimentu, atu orienta dezenvolvimentu inkluzivu, sustentavel no armonizadu iha nível munisipál;
2. Artigo 25.º, 83.º no 85.º Dekretu-Lei n.º 3/2016, de 16 de Marsu, kona-ba Estatutu das Administrações Municipais, das Autoridades Municipais no do Grupo Técnico Interministerial para a Descentralização Administrativa, ho alterasaun dalan tuir Dekretu-Lei n.º 84/2023, de 23 de Novembru;
3. Diploma Ministerial n.º 72/2024, de 11 de Novembru, kona-ba Prosedimentu Formulasau no Aprovasau Planu Dezenvolvimentu Munisipál;
4. Importánsia no eziyénsia hosi lejislasau no orientasaun polítika governu sentrál kona-ba planu dezenvolvimentu munisipál, ne'ebé estimula Autoridade Munisipál atu estrutura prosesu planu ho partisipasaun no koordinasaun inter-institusionál;

Iha sentidu ida ne'e, maka Prezidente Autoridade Municipal uza kompeténsia suprasitadu,

DETERMINA:

- Kria Komisaun Elaboradora PDM
Komisaun Elaboradora PDM sei hala'o funsau tuir knaar no responsabilidade servisu mak define iha matadalan no lei, iha obrigasaun atu fasilita no implementa prosesu

elaborasaun PDM ho baze tékniku, partisipativu no koordinadu, tuir orientasaun leis no polítika nasionál;

Konstitui Komisaun serbisu ba elaborasaun Planu Dezenvolvimentu Munisipál, ho atribuisaun sira hanesan tuir mai : a) Koordena no superviziona atividade hotu relasiona ho elaborasaun PDM; b) Promove konsulta públika no reuniaun ho setór relevante sira; c) Garante integrasaun ba polítika nasionál no munisipál; d) Apresenta relatóriu versaun preliminar no finál hodi hetan apresiasaun no aprovasaun iha orgaun munisipál;

• **Kompozisaun Komisaun Elaboradora PDM**

Komisaun Elaboradora kompostu hosi:

1. Responsavel Jerál
 - Sekretáriu Munisipál ba Planeamentu, Investimentu no Dezenvolvimentu Integradu;
2. Koordenadórã Seketariadu Komisaun
 - Diretora Ajénsia Planeamentu Munisipál;
3. Membro sira:
 - Representante (ida) hosi kada Diresaun Servisu Munisipál;
 - Representante (ida) hosi kada Diresaun Servisu Delegasaun Territoriál;
 - Xefe Servisu Lokal ba Planeamentu no Dezenvolvimentu Lokál hosi kada Postu Administrativu;
 - Representante hosi Organizasaun Sociedade Sivil;
4. Konsultór Tékniku
 - Asesor Governaçaun Lokal PARTISIPA;
 - Representante hosi WFP;
 - Representante hosi UNDP.

• **Prazu no Relatóriu sira**

- Komisaun tenke apresenta planu traballu detalladu ho durasaun tempu fulan ida (1) bainhira despaxu ne'e publika;
- Relatóriu progresu tenke submete kada fulan ba Gabinete Autoridade Munisipál;


• **Rekursu no Apoio Tékniku**

Komisaun sei iha apoia téknika no administrativu bainhira nesesáriu, disponibilizadu hosi diresaun serbisu munisipál sira, hodi ezejuta funsaun sira.

• **Validade**

Despaxu ne'e tama iha vigór hahú hosi loron ne'ebé Prezidente Autoridade Munisipal asina no publika iha kuadru avizu. Nune'e mós nia validade sei termina bainhira komisaun termina ona atividade.

Lautém, 30 de Maio de 2024



Melio de Jesus, SH.

O Presidente da Autoridade Municipal de Lautém

